

215.

a. 801
ineunte.

Alcvinus discipulis suis Romae morantibus de suo desiderio scribit. Rogat, ut pro se precentur. Litteras poscit. a. 801 ineunte.

Cod. H fol. 38—38^a.

Edd. F 180, J 160. — Migne col. 355.

5 CARISSIMIS IN CHRISTO FILIIS PATER PERPETUAM SALUTEM.

Plurima habuissem vobis scribere, si mihi columba vel corvus adesset, qui fideli volatu meas vobis devexisset^b litterulas. Tamen has paucas in auras¹ direxi, ut vento^c ferente in vestras pervenissent manus; nisi forte zephyrus mutetur in subsolanum. Surgat tamen aquilo vel auster et ferant cartulam meam; ut dicat vobis vale
10 perpetuum; nostramque vobis nuntiet prosperitatem animique mei magnum desiderium videndi vos citius in ea salute, quam^d pater filiis optat. Ego turbatus et timidus specto, quando hoc fiat vel quid de vobis auditurus sim.

O quam felix dies fuit, quando in laribus nostris pariter lusimus litterali tessera^e 2. Sed nunc omnia mutata sunt. Remansit senior, alios generans filios, priores dispersos
15 gemens. Sed quid non efficit auri sacra fames³.

Fiat tamen spiritalis praesentia, ubi corporalis est separatio; vestrumque genitorem in liminibus sanctorum apostolorum⁴ profusis lacrimis recordamini; prospera precantes animae peccatrici, ut liberetur a vinculis scelerum, quae a prima die usque ad ultimum huius vitae peregerit.

20 Quid fuit, filii, quare non volavit cartula ultra Alpinos colles⁵ per manus redeuntium Saxonum usque ad Trecasinae civitatis sacrum sacellum⁶? Et inde volaret per manus nostrorum usque ad Turonicae civitatis templum venerandum⁷.

216.

*Alcvinus Gislæ abbatissae Calensi, sorori Caroli imperatoris, et Rodtrudae eiusdem filiae pro muneribus missis gratias agit. Candidum Roma reversum sibi retulisse de
25 Carolo, de discipulis suis, de Leone III papa. Bedae opuscula transscribenda mittit. De aegrotatione sua addit.* 801 post Apr. 4.

Cod. H fol. 38^a—39^a.

Edd. F 188, J 161. — Migne col. 377.

30 CARISSIMAE IN CHRISTO SORORI⁸ ET FILIAE⁹ GRATISSIME PATER PERPETUAE
BEATITUDINIS SALUTEM.

Quantum inter nos rerum eventus probare potuit, semper ab initio cognitionis vestrae optime nostris partibus vestram bonitatem fidelem invenimus. Proinde gratias et laudes Deo omnipotenti perpetuas agere aequum habemus; qui nobis, quamvis in-

215. a) *Lemma*: Ad filios apud domnum imperatorem in palatio commorantibus *H*.
35 b) devexisset *scripsit J. pro direxisset H.* c) ventu *H.* d) qua *H.* e) litterali tessera *scripsit J. pro*
litteraliter sera *H.*

216. a) *Lemma*: Ad sororem et filiam *H.*

1) *i. e. per nuntium incertum.* 2) *Terentii Adelphi IV 7, 21*: Ita vitast hominum, quasi quom ludas tesseris. *Cf. infra ep. 281*: O quam dulcis vita fuit, dum sedebamus quieti inter sapientis scrinia.
40 3) *Verg. Aen. III, 57.* 4) *Romae.* 5) *Cf. supra p. 299 n. 19.* 6) *ad coenobium S. Lupi Trecense.*
7) *S. Martini.* 8) *Gislæ abbatissae Calensi, sorori Caroli imperatoris.* 9) *Rodtrudae, filiae Caroli imperatoris.*